



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psalm. CXXXVI. Confitemini Domino quoniam bonus.

**urn:nbn:de:hbz:466:1-44993**

- 9 Aegypti in mediis Pharaoni eiusque ministris  
Prodigiosa dedit
- 10 Signa: idem gentes multas, regesque potentes  
Cædibus inuoluit.
- 11 Amorrhæorum Seon, Ghogumque tyrannum  
Basanidum nemorum:  
Regnaque cuncta olim malè quæ Cananæa premebat  
Impia progenies.
- 12 Illorumque dedit terram patrimoniam seruo  
Israël ipse suo.
- 13 I A S sæcla tuum nomen memorent; colat I A S,  
Cunctaque posteritas.
- 14 Namque suum populum vindex bonus asseret I A S,  
Parcet item famulis.
- 15 Relligiosa autem gentes simulachra per omnes  
Nomina culta Deum.  
Sunt aurum argentumque; hominis quæ finxerit &  
Et manus artificis. (mens
- 16 Ore loqui ficto haud possunt oculisve videre, aut  
Auribus excipere.
- 17 Nullus & illorum subsistit spiritus ore,  
Denique nil & agit.
- 18 Utque illi, sic auctores quicumque fidem v l  
His habeant, fuerint.
- 19 Vos domus Israëlis grati benedicite & I A M,  
Vos domus atque Aharon.
- 20 I A M vosque domus Leui benedicite & I A E  
Quos timor almus agit.  
Vos I A M cuncti benedicite; deque Sione  
Carmine sit celebris.
- 21 I A S qui Solymis habitat benedictus; age I A M  
Laudibus accinite.

## PSALM. CXXXVI.

Confitemini Domino quoniam bonus.

## MISERICORDIAE LAUS INFINITA.

*Carmen Dicoeton Distrophon.*

- 1 VOS I A M fassi celebrate, is nam bonus exstat:  
Namque ille est in sæcla benignus.
- 2 Hunc fassi cel brate alium, D E V S ille deorum est,  
Namque ille est in sæcla benignus.
- 3 Hunc celebri DOMINVM dominorū dicite laude,  
Namque ille est in sæcla benignus.

4 Qui



- 4 Qui solus miranda facit, qui maxima solus,  
Namque ille est in saecula benignus.
- 5 Cuius stellanteis fecit prudentia caelos,  
Namque ille est in saecula benignus.
- 6 Qui liquidis terram solidatam extendit in undis,  
Namque ille est in saecula benignus.
- 7 Idem etiam fecit duo maxima lumina mundo;  
Namque ille est in saecula benignus.
- 8 Solem qui clari moderatur iura diei:  
Namque ille est in saecula benignus.
- 9 Et lunam variae & stellas modo amiva noctis:  
Namque ille est in saecula benignus.
- 10 Aegypti primos fixus percussit iniquas;  
Namque ille est in saecula benignus.
- 11 Israëlem mediis eduxit & hostibus idem;  
Namque ille est in saecula benignus.
- 12 Hósque manu eduxit forti, extentoque lacerto:  
Namque ille est in saecula benignus.
- 13 Multaque iuncofum per segmina diffidit aequore:  
Namque ille est in saecula benignus.
- 14 Israëlem medias traiecit & ille per undas:  
Namque ille est in saecula benignus.
- 15 Excussit Pharaona mari, illiusque phalanges:  
Namque ille est in saecula benignus.
- 16 Duxque suum populum deserta per auia rexit:  
Namque ille est in saecula benignus.
- 17 Qui magnos etiam percussit caede tyrannos:  
Namque ille est in saecula benignus.
- 18 Occidit reges validos, nimumque potentes:  
Namque ille est in saecula benignus.
- 19 Amorrhæorum fortem Seona tyrannum:  
Namque ille est in saecula benignus.
- 20 Et Ghog Basani nemorosa ad culmina regem:  
Namque ille est in saecula benignus.
- 21 Ille dedit cultamque horum patrimonia terram:  
Namque ille est in saecula benignus.
- 22 Illa suo Israëli famulo patrimonia fixit:  
Namque ille est in saecula benignus.
- 23 Et memor est humilis nostræ qui conditionis:  
Namque ille est in saecula benignus.
- 24 Nos dominis valde oppressosque redemit ab arctis:  
Namque ille est in saecula benignus.

25 Ille

25 II

26 C.

MIS  
MA;

I

2 II

3 A

L

4 E

5 C

6 H

N

7 A

F

8 F

9 C

F

I



- 25 Ille omni carni panem quoque suggerit almus;  
Namque ille est in saecula benignus.  
26 Caelorum sortem cuncti celebrate fatentes:  
Namque ille est in saecula benignus.

PSALMVS CXXXVII.  
Super flumina Babylonis.

MISERIS INSVLTATIO MISERRI-  
MA; SPES VERO OPORTVNISSIMA.

*Carmen Elegiacum.*

- 1 **F**leuimus haerentes Babylonica flumina propter,  
Dum memores illic nos tenet alma Sion.  
2 Illius in medio citharas suspendimus altos  
Ad salicis ramos, pignora laetitiae.  
3 Atque illic, qui nos captos duxere, petebant  
Verba sacri quondam carminis apta modis:  
Laetitiae ac nostrae pendentia pignora; carmen  
Vos canite hic nobis quale Sionis erat.  
4 Ergo IAE carmen nos, quondam dulce, canentes  
Audiet externo terra dicata Deo!  
5 O Solyme, inmemor ipse tui si vixero, dextra  
Opto etiam mea sit, non memor ipsa fui.  
6 Haereat, oblito mihi te, mea lingua palato,  
Haereat arescens faucibus illa meis:  
Ni Solymam tollens & certa mente locabo,  
Ipse meae statuam laetitiae inque caput.  
7 At quoque Idumaeae sobolis tu sis memor I A S.  
Turbida cum Solymis adfuit illa dies.  
Fundite, dicebant, euerite, fundite, donec  
A fundamentis ipsa reuulsa cadat.  
8 Filia vastandae Babylonis turba, beatus  
Cui nostra solues praemia digna vice.  
9 Quique tibi ereptos pueros disperget acutis  
Cautibus allidens, ille beatus erit.

PSALMVS CXXXVIII.

Confitebor tibi Domine in toto corde meo.

PROMISSORVM DEI VERITAS  
ET PRAESTANTIA.

Davidis.

*Carmen Tricolon Terraestrophou.*

**T**Oto corde meo te referam, tibi  
Fassus, nempe tua ut munera praedicem:

**CORAM**